



Inatsisartuni ilaasortaq
Peter Olsen
Inuit Ataqaqtiit
/Maani

Immap naqqatigut kabeli internettimullu akit pillugit § 37 naapertorlugu apeqqut nr. 229-mut akissuteqaat

Brevdato: 09-09-2016
Sags nr.2016 - 13376
Dok. nr. 13084705

Aallarniutigalugu apeqqutinnut, matuma kinguliani akineqartunut qujavunga. Akissuteqarnissannut isumassarsiorfissanik TELE-POST-imut aamma Nalunaarasuartaateqarnermut Aqutsisoqarfimmut pissarsiniarpunga.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nаноq.gl
www.naalakkersuisut.gl

Ilisimatitsissutigissavara, apeqqutininut akissuteqaatit ilaat Siumumiit Laura Tàunâjik-p apeqqutaanut nr. 183-mut akissuteqaatigisannut eqqaanarmata, apeqqutit saqqummiunneqartut imminnut assingummata. Taamaattumik aamma apeqqutininut taakkununga akissuteqaat innersuutissavara.

1. Immap naqqatigoortoq kapelersuaq qaqugu Aasiannut apuutissava atuutilissavalu?

Immap naqqatigut kabelip 2017-ip naanerani Aasianni atulernissaa naatsorsuutigineqarpoq.

- 2. Nuummi Qaqortumilu kisimi 500 gb tikillugu atuisoqarsinnaavoq. Taannalu "taamaallaat" qaammammut 1099,-qarpoq. Illoqarfiit sinnerini annerni taamaallaat annerpaamik 50 gb-mik pisisoqarsinnaalluni. Taannalu akeqarpoq 1149,- qaammammut.**
- a. Naalakkersuisut pilersaaruteqarnerpat Iluliarmiut, Aasiammiut, Sisimiormiut, Maniitsormiut, Paamiormiullu, Nuummiutuulli Qaqortormiusulli akiusup assinganik 500 gb tikillugu neqeroorfigineqarsinnaalersinnaanerannik? Taava qaqugu tamanna naatsersuutigineqarsinnaava?**

Naalakkersuisut maannarpiaq TELE-POST-ip illoqarfinni immap naqqatigut kabeleqarfiusuni tunisassiaanut akinillu aalajangersaaserneranut akulerunnissartik naatsorsuutiginnigilaat.

TELE-POST ilisimatitsivoq, immap naqqatigut kabeli avannamoortoq ingerlalerpat Ilulissani, Aasianni, Sisimiuni Maniitsumilu bredbåndimut tunisassianik pitsanngortitsinissamut ingerlatseqatigiiffik pilersaaruteqartoq. Radiokædimi pinnaasatigut unammilligassat kingunerisaanik, TELE-POST tunisassianik sumiiffinni immap naqqatigut kabeleqarfiusuni ilisimaneqartutut pitsaatigisunngorlugit pitsannguinnissamik eqqarsaateqanngilaq, tamannalu aamma Paamiut illoqarfiannut radiokædeqarfiusumut atuuppoq.

3. Upernavimmiut, Qaanaarmiut, Tasiilarmiut, Illoqqortoormiormiullu sukkaneruserumik pitsaaneruserumik, akikinneruserumillu internet-mut attaveqaateqalersinnaaneratt pillugu Naalakkersuisut qanoq pilersaaruteqarpatt?

Innuttaasut inuiaqatigiinnut akuutissinnaaniarlugit, illoqarfiit nunaqarfiillu tamarmik nalunaarasuartaatitigut pitsaasumik pilersorneqarnissaat Naalakkersuisut kissaatigaat. Tamanna qularineqassanngilaq.

Inatsisartut nalunaarasuartaateqarnermut inatsit aqutugalugu Naalakkersuisut, illoqarfinni nunaqarfinnilu pitsaassusissamik aalajangersaanissamut sakkusaqartippaat. Qaffasissusissaq sulii aalajangerneqanngilaq, kisiannili qaffasissutsimik akikitsumik qulakkeerinissaq inuiaqatigiinnut nalunaarasuartaatinillu atuisunut akisussasoq qularnanngilaq. Sumiiffinni qaammataasaqarfiusuni pitsannguinerit akisupput, koruunillu niuernermit tunngaveqanngitsunut aningaasaliissutissatut kissaatigineqartut tamarmik arlaanniit aaneqartussaapput.

Upernavimmut tunngatillugu radiokædep Uummannamiit Upernavimmut tallineqarnissaa naatsorsuutigineqarpoq. Tamanna Upernavimmi innuttaasunut, kisiannili aamma illoqarfiit qaammataasaqarfiusut sinnerinut, qaammataasatigut pisinnaasanik atuiunnaartoqartussaammat iluaqutaasaaq.

Sulianut niuernermit tunngaveqanngitsunut amerlasuunik, Naalakkersuisut annertussusissatut aalajangigaannit amerlaneruserinnaasunik aningaasaliinissaq Inatsisartunit annertuumik kissaatigineqarpatt, soorunami aningaasat aningaasanut inatsimmi, tassungalu ilanngullugu Inatsisartunit nassaarineqarsinnaanerinut periarfissaqarpoq. Tamanna soorunami immikkut ittumik aningaasaliinissamut tunngavissaqarnissamik, taamaalillunilu tulleriiaarinissamut pisariaqartitsiviuvoq.

4. Ilumoorpa aasaq manna Nuummi 15 gb-mik atuisut pinngitsaalillugit 50 gb-mut atuisunngortinneqarsimanerat? Ukiullu marluk missaa matuma siornatut akisumut, tassalu akisuneruserumut uteqqittoqarsimaneranik unnerluutiginninneq ilumoortortaqarpa? Taamaattoqarsimappatt sumik tamanna tunngaveqarpa?

TELE-POST ilisimatitsivoq, immap naqqatigut kabeleqarfiusuni atuisunut Internet Akulleq 15 GB-usoq, atuinermi 449 koruuninik akilik Internet Akulleq-mut 15 GB-usumut, atuinermi 599 koruuninik akeqartumut ingerlaannartumik nuunneqarsimanngitsoq. Atuisut tamarmik, ingerlaannartumik nuunneqarsimasut akit allanngortinnagit, imaluunniit 600 koruunit tikillugit sipaagaqarlutik tunisassianik pitsaaneruserumik sukkaneruserumillu atuilersimapput.

Neriuppunga matumani apeqqutitit akisimassallugit.

Inussiarnersumik inuulluaqqusillunga

Knud Kristiansen